

www.BibleForChildren.org

Mátiyu 8



Wo miyó mî loo, yééyéé u naa Kéna u ngwo ngmê kê ngópu, p:aani n:ii Nkálili Wee u kwo a tóó. Yesu u pye yi nááli tédê mî ta. Pi knî y:oo Yesu u k:ii myemînê dóó kalê nmoo, u ngwo nm:uu taa dniye.



Yi nááli tédê wain chedê ngópu, Yesu u pye ngê tp:oo
ka kwo, Wain u ndanî ngê kêdê chedê ngmê. Yesu u
pye ngê naa u dpodo pyu knî ye yepê, Kópuni nmye a
tpapê, dpî d:uu yó.



Yesu ngê naa u dpodo pyu knî ye yepê, Kî
d:âmu mbwaa ngê ntówo tóó, wod:oo
d:ud:umbiy:e a nt:ee tumo. Yepê, Yi
mbwááni knî ngma a vy:êê yó, naa u kada
pini ka núw:o yó, amî d:uu.



Yi mbwááni tpalê wo, wain ngê pyodo. Dpodo pyu knî
y:oo naa u kada pini ka knî ngmê ñuw:o ngópu, yi d:uu
ngê, apê, Wain mb:aa ala. U
lama dêpwo ya, Ala wain
anye da pwiyé, ngmênê
dpodo pyu n:ii knî y:oo a
vy:êê ngópu, yi lama doo
ya. Naa u kada pini ngê
naa chóó ka kwo,
A pwiyé. Kwo, Ala
wain até dî d:uu,
mb:aamb:aa.



Kwo, Kópu kamî ngmêchi d:uu. Kwo, Pi ngmudu yéé, u
pyipe knî ye wain mb:aa ye mwiyé dpî y:oo, n:ii pee
tp:oo mb:aamb:aa kuwó ye
dpî y:oo, mu kópu u dîy:o
yi dini ghi ngê d:uuwodê
w:ee ngmê, yinê ye lónté
wain yuno ndanî. Kwo,
Ngmênê yinté chuu d:uu
ngê. Kwo, Wain
n:ii d:ud:umbiy:e
mb:aamb:aa kuwó
nmo cha kê.



Yesu ngê u mwiyé mwiyé mbwudu yinté chópu, u wêdêwêdê u l:ii yinté nmî módu. Yinté nmo w:ee ngê, nê, Kî Chóó Lémi Tp:oo. U ngwo u kwo nmî kêlîmî mbê dniye. Yi kópu Kéna pyodo, p:aani n:ii Nkálili Wee u kwo a tóó.



Yesu Pita u p:aa pee loo, u ngomo k:oo
yi kee wo. Pita u mbywé pyââ mbii
têdê módu, apê, Ngmîtédmîno mu dpî.



Yesu ngê kóó p:uu kêê yi yó,
wod:oo yi mbii ngê a kuwo
ngê, yi pyópu mê ghêêdí wo,
Yesu ka nté mê y:ângo.




Kââdî dini ghi n:ii ngê gho, yi ngwo Nju tpémi yi lîme
wo machedê ngê pyodo. U kuwó dini ghi ngê mbii pyu
yintómu Yesu ka núw:o
tumo, n:ii dé y:e yi
kmêna dnye kwo, u kwo
mye núw:o tumo. Yi
ngomo t:âmo ghi a
nt:ee wo, pi
dêpwo a ya.



Yesu ngê pwopwokopwe yilî pyi ngê, mbii dyêêdî daa ngmidi yedoo ya. N:ii knî y:e yi kmêna dnye kwo, yi kmêna yilî Yesu ngê ngm:ii kalê too. Yesu ngê kmêna knî ye danêmbum kwódu ngê, mu kópu u dîy:o yi lama doo ya, Pini n:ii Chóó Lémi ngê a ngmidi ngê, kî yi pini. Yesu ngê u yi dêpwo kwo, Pi yintómu yi lama yi kópu yaa we.



N:ii knî y:oo kêê p:uu dnyimo yiyé, u wêdêwêdê mbêmê
dnyimo pyiyépyiyé. Yi kópu u l:êê dîy:o yoo dnye
kadakada.



Yesu ka mbii pyu ngma a núw:o ngópu, kpâli dê ntóó
dê. Ngmîtédmí mbêmê a yé ngópu, pi páádi knî y:oo
dnyinê ngópu.



Doo u ntââ yi pini Yesu ka daapê
ńuw:o ngópu, mu kópu u dîy:o pi knî y:oo
maa nkoko ngópu. Yi pini páádi knî y:oo
yi ngomo pywápê ngmê pw:ono adî ńuw:o
ngmê, Yesu kwéli doo a ya, ngomo
pw:ono puu y:i
ngmêmînê t:ee
ngópu.



Ngomo pw:ono têpê a wéli ngópu,
puu y:i ngmêmînê t:ee ngópu, yi
pini yedê ngê y:i ghîpî ngópu, u
ngmîédmi mbêmê doo ya.



Dini ghi n:ii ngê Yesu ngê m:uu too, a w:ee ngê, apê,
N:ii knî y:oo kî pini a ka da
ñuw:o ngmê, ndêndê ngê a
ka wunê kêlîmî té. Yesu
ngê yi pini ka kwo,
A tp:ee. Kwo, Nono
yilî yintómu dî
chedê, Chóó Lémi
ngê mēdaawa kpada
ngi.



Yepê, Nê Chóó Lémi u Pi Ndêndê, u ntâa ngê yinë a
pyódu noo, u ntâa dyámê mbêmê
pi ka wanî vyi, Nono yilî dî
chedê, Chóó Lémi ngê
nono yilî u kuwó
dê kée té, mēdaawa
a ngî té.




Yepê, K:omo tpile a kópu ka módó
daanmyi kêlîmî mbê dmi, ngmênê
kópuni kî kpâlî ntóó
ngê n:aa d:uud:uu,
a kópu ka u ngwo
nmye kêlîmî té.
Wod:oo Yesu ngê
yi kpâlî ntóó ka kwo,
Gh:êêdé, ngmîtedmi
a ngini, p:o lili.



Yesu, p:uu ndiye pyu knî yi k:ii,
dinki k:oo yi wo dniye, kada
yedê y:ee ngópu. Yópu ndîî
ngma a pwaa wo, vwuó dinki
k:oo dnyen:aa kn:êê,
daa kêmakêma dinki pî
vy:êê wo, ngmênê
Yesu doo dpî.



Yesu yedê pii wo, yepê, Lukwe dîy:o nmye nkîngê té.
Yepê, Nmyi kêlîmî lukwe ngê têdê ngê dê pyódu.
Wod:oo ghêêmî ghê wo, vyuwó yópu ye yepê, Munto.
Yi ngwo vyuwó yópu chedê ngê pyaa knopwo,
dye ndîî mê kââ. P:uu ndiye pyu
yoo ngwéti dniye, noko yepê,
Kî lónté pini, vyuwó
yópu y:oo u dnye kédê
ny:ee ngmê, kîmyaa
châpu ngmê.



Dyámê mbêmê
tpémi yi nuu ghi dmi Chóó Lémi nódo
dnyinté daa tóó, wod:oo chóó Tp:oo mu
ngmidi nmo a kpo, mu kópu u dîy:o n:ii u
kwo adî kêlîmî, daawa dyênê, u nuw:o
kamî ngê wa pyódu, ghê kamî
wamyedê pyw:oo, ghéni n:ii
chedê ngê daawa
pyódu.



Lóma 3:23 Dp:oo u mo u mo dé, pi yintómu nmo dono dé,
dp:oo Chóó Lémi u pee dé, ngmênê Chóó Lémi ngê nmî
módó yeedeyeede nmo a kpo, Yesu Kédisu nmo a dy:ââ
ngê, dono vy:o yinê wunê pw:iipw:ii nmoo, u l:êê dîy:o
Chóó Lémi ka pi mb:aa ngê nmî pyaa dniye.

Lóma 6:23 Pini n:ii dono p:uu a dpodo, pwopwo u ngwo
wunê kmênêkmênê, ngmênê Chóó Lémi ngê nmî Lémi Yesu
Kédisu u k:ii nipi wunê kââdîkââdî nmoo, u módó
yeedeyeede mbêmê ghê kamî nmo wunê kuwo ngê, ghéni
n:ii chedê ngê daawa pyódu.

Hipîlu 9:27 Pi ng:êêntómu dpî pw:onu, u kuwó dini ghi
ngê Chóó Lémi ngê dpî kóté kwolo.



Epeso 2:8,9 Nyââ, nmî Mî ngê a yeede nmyoo, dini ghi
n: ii ngê Yesu Kédisu ka nmyi kêlîmî mbê dniye, kóó k: oo
kaa nmyoo. Daa kópuni nmyee a d: uud: uu dé yi l: êê
dîy: o kóó k: oo kaa nmyoo, ngmênê Chóó Lémi ngê módó
a yeede nmyoo, doo u ntââ nmyi chóó nmyi pi dmi
daanmyi kmîmî dé.

Lóma 10:9,10 Nmyi gha vy: o ala kópu ka anmyi kêlîmî,
Chóó Lémi ngê Yesu kpêênî mēdē pyidu ngê, myenté pi
knî ye nmyi komo ngê amy: ee vyi ngmê, anye, Yesu nmî
Lémi, ye Chóó Lémi ngê kóó k: oo wa kaa nmyo. Nmî gha
vy: o Yesu ka anmî kêlîmî, ye Chóó Lémi ngê pi mb: aa ngê
wa pyódu nmo. Pi knî ye nmî komo ngê amy: oo vyi, yenmê,
Yesu nmî Lémi, ye nmî Mbwámê ngê wa ngee nmo, kóó
k: oo wa kaa nmo.



Njon 3:16,17 Dyámê mbêmê tpémi yi nuu ghi dmi Chóó Lémi nódo dnyinté daa tóó, wod:oo chóó Tp:oo mu ngmidi nmo a kpo, mu kópu u dîy:o n:ii u kwo adî kêlîmî, daawa dyênê, u nuw:o kamî ngê wa pyódu, ghê kamî wamyedê pyw:oo, ghéni n:ii chedê ngê daawa pyódu.

Chóó Lémi ngê Tp:oo daa nmî kpadakpada u l:êê dîy:o a dy:ââ ngê, ngmênê nmî Mbwámê ngê a pyódu ngê.

1 Njon 5:11-13 Yi kópu u nt:u kópu ala, Chóó Lémi ngê Tp:oo ka a kâadî nmoo, ghê kamî nmo a kpo, ghéni n:ii chedê ngê daawa pyódu. Pini n:ii u nuw:o Chóó Lémi Tp:oo p:uu a kwo, yi pini ngê ghê kamî dpo pyw:oo. Pini n:ii u nuw:o Chóó Lémi Tp:oo p:uu daa kwo, ghê kamî d:uudpo pyw:oo. A tîdê mbwó yoo, yi kópu dyuu nmye d:a d:êê, mu kópu u dîy:o Chóó Lémi Tp:oo ka nmye kêlîmî té. U ya a nga a kwo, Nmyi lama a yaa we, Ghê kamî wunê nmyinê pyw:ee ngópu, ghéni n:ii chedê ngê daawa pyódu.



Mátiyu 8-9; Mak 1-2, 4; Luukî 4, 8; Njon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Yele NT (yle) © 1998, Wycliffe Bible Translators, Inc.
All rights reserved.

<https://live.bible.is/bible/YLEWBT/MAT/1>

©2025 Bible for Children, Inc.

www.M1914.org

www.bibleforchildren.org

